

Mon 26th Dec 1898

大清光緒廿四年

本館新開除禮拜外每日出報一
紙外埠均可函致本館取
閱如外埠閱報加寄費不
也除日本英法德俄美各國
惜工本從廉採辦各書裁
刊印各器以待與各官紳
體活字及各式花邊等延
西人排印工藝甚精所有
印字大小機器均用精工刊

第五千一百廿九號

報叻



(號七第牌門口虱巴舊在設開館本)

印工絕倫並延有文士書
寫各體文字現由上海購到
各種書籍出售其書目另行
刊佈所有各項原稿其有
本館所登札原稿其有
世道人心者附登其否亦
成於人而後始錄其有
登錄以後支離費解者概
自諒更須寫真君來札向
將原稿收回也本館謹白

戊戌十二月十四日

英一千八百九十八年十二月廿六號(一拜號六十月二十年八十九百八千一英) 仙雲字每口日自告備五張每色張價一月每

春東出沽 ○啟者本館現已印便來歲新正賀春信札計分多種悉皆駢四儷六翻陳出新書法
既屬端楷紙張尤為出色 諸君有欲購用者祈早玉臨選沽為盼此佈 本館謹啟
已多年月份牌出售 ○啟者光緒二十五年己亥之月份牌現經印就定於即日出沽至本年所
印之月份牌係按照時憲書并參以諸家之歷細心較對無訛而且字畫玲瓏紙張潔潤繪事精細甚屬
可觀 諸君賜顧祈早 玉臨選沽為盼 本館謹啟

論中國無養民之政
今中國不然農政壞而不修土力盡而不惜任其民之自耕自種而不告以土地高下之宜隨其歲之或凶
或荒而不明示以餘一餘二之積大地沉浮本無一定乃滄海之變為桑田者則定其稅桑田之變為滄海
者不減其糧西北之地多旱而水利不興東南之地多潦而溝泄不講戶部雖曰農官實同守府凶年飢饉
草木食盡繼以土坭飢火中燦兒暴無底煮女為餐炊兒代爨其弱肉強食割愛忍慈聞者傷心見者慘目
國家觀此顛連仰屋無策於是乞糶於鄰省召賑於他方而辦事之官當差之吏又復喪盡廉恥味厥本心
藉賑為名借端中飽遇災者以為凶歲執事者以為豐年勞觀者為之寒心當局者從而乘指聽啼哭而不
聞任顛連而無訴嗚呼慘矣何其酷耶農政之外如工商製造牧畜諸事更鮮考求於是公司之利流於西
人作工之利流於西人西人機器之利流於西人裝船之利流於西人鑄炮之利流於西人築路之利流於西
探礦之利流於西人西人不能獨任其事也於是擇其工之苦者而使中國人任之其利之薄者而使中
國人之利流於西人西人得其所養而中國之人任其勞西人操其權而中國之人役其事西人之利十之九中國之利
十之一以此而言養民實不若聽民之自養之為愈也其他鴉片濁血所以害民身也而令其自種則曰
塞漏卮闢姓聚賭所以妨民事也而責以承商則曰裕國餉積穢可以生疾病而道路不修臭腐足以遠天
亡而市官不設火燭而無保險遭難者或破業而敗身流氓而無給糧遷徙者多聚眾而強乞甚至醫業無
專責而天折無數衛生無成書而撰死無數是以統計近十年來生死民數毫無起色非民浮於地而造物
之力窮也然則當如何之何語曰以古證今兵法曰知彼知己古制不可考而以今之悖古者考之古制之善者
不可考而以今之悖古而不善者考之更於中外得失興敗之故富強強弱之原比較而泰觀焉知西人之
所以得即知中國之所以失知西人之所以興即知中國之所以敗知西人之所以富即知中國之所以貧
知西人之所以強即知中國之所以弱至於知其弊之所至而思其利之所生遠鑒於古近師於人是在有
治民之責者予何贅焉

諭旨恭錄 ○十月十九日奉 旨分發直隸道繆彝江蘇道俞明震河南知府陸鍾岱直隸同知
王麟榮北河同知朱文震江蘇同知許鑫浙江同知魯彤會湖南同知孫之湘四川同知孫鑑雲南同知朱
毓崧山東同知張霽浙江同知何蔚丹湖北直隸州知州桑雋廣東直隸州知州黃榜書安徽通判王承洛
浙江通判史悠祥江蘇通判劉文樹羅源湖北通判曹受詔四川通判李光觀雲南通判劉世濬江蘇知縣
沈兆奎顧元亨山東知縣吳若灝河南知縣王寶盈陝西知縣談廷瑞浙江知縣夏敬宜江西知縣許應宏
湖北知縣賀祖侯防四川知縣張克貴李宏年江蘇知縣陸景澄會紀樞山東知縣瑞麟線全河南知縣
楊恕祺李聯鈺浙江知縣張茂鏞江西知縣童炳森錢昌瀾劉世芳顧永輝江西知縣陳俞福建知縣章景
楓湖北知縣徐久緒湖南知縣黃贊廣東知縣姚紹書山東鹽大使民籍陳仲蕃河東鹽大使姜士雋福建
鹽大使何留俱照例發往盛京刑部員外郎著景泰補授禮部員外郎著峻昌補授刑部員外郎著壽昌補
授保舉山東補用知縣畢椿億高尙尊俱照例用開復前直隸大順廣道吳廷斌著准其開復原官銜翎仍
留原省補用

英國電音 ○本坡實得力太晤士西報接十一日英京來電云現有人由倫敦忌里士多離宮乘
坐氣球以抵法京計程五點鐘久已經告到云云按乘坐氣球空中來往之事雖行之甚久從未有能往來
如意者有之自此始也十二日來電云英國龔爵伊美亞現贈英金二十五萬磅與然拿所創之學會堂以

便作爲查究一切病態傳染於人之故該爵又請欲助廿五萬磅之款以爲納鄰省會辦理潔淨事務之需豪哉是舉所助之項不下五百萬元之多試問古今鉅富捐資爲善者助此巨款能有幾人哉

法電譯登 ○本坡實得力太晤士西報接十一日英京來電云巴黎太音日報有云法將刺兒安督帶兵車一隊在非洲之馬士刺下力地方與法將馬贊之兵相合該將欲隨馬將軍取道亞棉施尼亞境以往兒模知部至馬贊所部諸軍俱各平安止有千總把總各一員士兵八名欲取道乃里河以回法國此諸人等想因不合水土故欲言還也

英美電音 ○本坡實得力太晤士西報接十二日英京來電云英國駐美公使般士頗知已奉英廷之命與美外部共議將吉里頓峇華之約作爲罷論聞該使所以有此議者係欲與美再立新約內有一款須美保認將來乃加刺亞河開成之後若英遇戰事則不准敵國戰船在於此河來往云云

俄國貸款電音 ○本坡實得力太晤士西報接十二日英京來電云倫敦太晤士報接其駐紮美國斐刺打丕耶地方探訪人電稱俄國前擬向美貸銀十八兆磅其利息以三釐半算此項借款現在已有可成之望矣

進支款項預核 ○本坡工部局現將西來年所收之稅預行核定計是歲進款可共至一百萬零八千元而是年支款則共一百萬零三千八百八十一元云云

白蠟來函 ○白蠟國家現經預核西明年該處之支費計共需銀六百零六萬六千一百四十元其中祇築造車路一項已至二百六十三萬七千三百四十八元之多云

彭亨魚素 ○彭亨來信云西十月十號該處議例局會議時彭亨蘇丹向該局請云余有隨員五人自幼即在宮中服役計有數十年之久今諸員均經衰老而又貧苦異常因請國家給予長俸俾贍餘年等語言畢參政司答稱本埠請食長俸之員已多餘款恐有不支之患所請諸員給與長俸之處本司不敢自專必須請命於歸英保護各穆拉油地總參政司始能定奪云云蘇丹又請云彭亨境內諸人所爲之事多有違犯回教規章者乃國家皆不之罪余忝爲蘇丹係屬一埠之長若有違犯教律之人而不將其治罪則他日天堂定罪必在余躬即如近來回教婦女常有爲華人妻妾者若此等類必須示懲今埠中各事均由英國主持而此等事件亦宜懲辦因余年已老不日即將言歸天國見我教主穆罕默德時必須將余一生所爲之辜對教主言明若果此等違犯教律之事并不爲之懲辦則余將來究以何詞而對吾教主乎蘇丹言畢參政答云聽公所言亦殊堪憫但此事前經本司移會諸穆拉油地之參政請爲聯辦詎意事竟無成雖然在我彭亨一地則固當設法防之以償公願公其少安無躁可也言畢蘇丹稱謝而退

其心可見 ○西貢來信云該處官民現在憂慮異常緣有英國耶穌教牧師於此四處傳教并刊賣耶穌教之書因有人言此牧師乃英之細作係奉密令來此探察路程并窺刺一切機密云云觀此一事則西人之心已覺洞然可見夫他國祇有牧師一人於此傳教而地方官民已覺憂疑若此然則彼在中國隨地創設教堂隨處派人傳教乃不惟不顧中國有司之憂慮并且多方挾制務使官民待之以禮今觀此事則西人之心跡不已昭然若揭乎奈何中國上下皆在夢中直至此時尚屬昏然未覺也

安汶地震 ○泗水來信云去月十七日安汶一境又有地震之災居民係屬驚弓之鳥一見此警懼惶異常所幸其震尚微不至大爲損害因據精於考察地震之荷人謂安汶一境若至陸沉亦必在五十年之後該處居民可以安居無恐云云按安汶一地自去年大震數次幾至舉埠傾於是遂有西人紛紛議論謂此一埠不數年間必有全境陸沉之患不如將其埠棄去另尋樂土云云乃今荷人等又作是說以冀畧定人心然以愚意觀之則前後兩說均不足憑祇可作鑿語視之可耳

贖罪錄聞 ○上海來信云現接都門電報云華員張蔭桓之家人擬請當道代奏朝廷欲備款二十萬兩以爲該員贖罪云云斯請也尙未知朝廷准駁如何然財可通神有此巨資想亦有不吝者也不

難民遇救續聞 ○昨報德國輪船軍溺士目由港赴德途次救獲越南難民廿一名送來叻地一事查該難民所駛之船名陳廣海船中難民廿一人內有婦女三口小孩七口云云

俄駐東三省兵數 ○東三省來函云現在俄人在海參威汲錫葉特灣及旅順常備之兵不下一十二萬五千名有快炮隊及馬隊並不全聚阿摩河一帶而散佈兩國之邊界及東三省各處通北京之大路三條均有俄軍把持由愛春至墨爾根一帶有俄兵三隊由墨爾根至齊齊哈爾有俄兵三隊科薩克兵二隊伯都訥至齊齊哈爾有俄兵三隊科薩克兵三隊吉林地方及省城有俄兵五隊科薩克遊擊之師一旅在吉林密古塔環春有步兵五千名分散各地環春對面有兵五千名重炮隊呼蘭有兵一隊三姓有兵二隊會同科薩克兵二隊防守松嶺里

江由吉林至盛京一帶所有齊齊哈爾伯都訥吉林密古塔盛京各處大路通北京者均已爲俄人所據有糧餉行李亦屬粗備故南下甚便除已有之路正在修補外現另外修新路數條以便行軍計由愛春至蒙根一道由環春至吉林開闢以便炮車之行由伯都訥至盛京

下甚便除已有之路正在修補外現另外修新路數條以便行軍計由愛春至蒙根一道由環春至吉林開闢以便炮車之行由伯都訥至盛京

之路悉心測量

北京大學堂述聞

○北京來函云自八月以來朝局變更凡四五月以後 皇上所創制之新政其向未明言作廢者獨鐵路礦務總局及大學堂一事身然路礦總局某大臣之意大以爲不然業經具奏請撤而 廷旨不準某大臣雖不辭職亦不辦事但告其本局之各章京云此局我有四語君等切記一曰無補國計二曰有害民生三曰開奸商之窺斷四曰啓外人之覬覦而其尤要一言則謂自今而後無論何人有以開礦造路至 局呈請者有礙無準然則路礦局之設亦不過徒留其虛名而已北京墜天糞地之中所留一線光明獨有大學堂一舉而已然開得禮部各堂官以及守舊諸臣亦均不以此舉爲然視學堂一事若贅疣然推原其故所以不能遷廢者蓋因外洋各教習均已延訂勢難中止不能不勉強敷衍以塞其口以故在事諸人亦均無精打彩意興索然近聞各處紛紛貼有告示諭知從前報名各學生限於本月二十四以前取其同鄉官印結前赴該學堂投考該學堂設在後門四公主第其考試係用八股文一篇策論一篇查得七月間赴堂投名願爲肄業生者約有千餘人近則取同鄉官印結赴堂報考者不過百餘人而已創辦未及半年而今昔情形懸絕如此可勝浩歎哉

韓使述聞

○北京友人來函云中國派赴朝鮮公使徐齋齋廷尉聞旅京西人議論以爲出使英美各國公使如羅豐祿伍廷芳其官階不過道員其普職不過四品卿銜今徐星使以實缺三品京堂出使朝鮮其官階虛銜均視英美兩國公使頗有以此情詢問總署王大臣者均派有公使然皆係二等公使今徐星使則實係二等公使不知中國何以待朝鮮獨重因此各國駐京公使頗有以此情詢問總署王大臣者王大臣之說不一或謂中國前派使臣向不論官階之大小但一經奉命即係欽差譬如各省主考學政有放二品之侍郎者亦有放七品之編修者其官職雖各不同其爲欽差則同也又如從前派往各國使臣有以編修去者有以府道去者有以藩臬去者有以京堂侍郎去者在中國朝廷視之並無所軒輊於其間也或謂徐星使之往乃係議約之專使並非常駐之公使議約之專使乃係全權大臣故職位不可不崇俟其和約議定之後朝廷尙須另派他員爲常駐該國之公使云云然而各西人心目之中則仍一團疑竇無從解釋也

貽書有備

○自三湘七澤開回粵者贈人尺素內有一書願曰上某大憲而不署所上何人又不知爲誰所撰惟玩其語意亦有可採者爰照錄之以爲酒後茶餘談助書云僕聞忠臣不避險阻智士宜策機先公固本朝之忠臣而當今之智士也乃逢險阻而緘默失機而不圖此何爲哉得毋有所蔽耶夫事勢之慘孰有如疆土分裂 大君危疑天下惶惶人心欲去而公絕不於此挺身力挽與庸泄者同此委蛇誠所未解當德之佔膠灣也封章入奏力言其不可者比比然公何有哉蓋公以不從則戰戰則危是險阻也故而避之也顧此猶曰邊患苟能繕具修我軍政尙可挽回孟子曰苟無敵國外患者國恒亡公殆以此自慰矣於此而避其難猶可爲公曲原至於變起內廷一日百警若廢若立若存若亡茫無所憑且有疑公當於此時見矣入請 聖安以清君側大義所在雖死何辭况公名重一時何讓漢之平勃宋之韓范孺子何在當有賴公而安者此千古一時爲公奠定山河之機會也而公失之徒認鴛鴦託詞以自護度公之意蓋謂 太后此舉乃一時之激怒以不了者了之故少安毋躁耶噫嘻公亦知守舊諸臣其密奏 太后而爲此舉者果何恃哉恃俄也恃俄即亡矣公勿謂春秋已高必不作索靖之見試觀局勢急如倒懸恐在轉瞬間事耳公當不避險阻以軀報君天下不乏忠義之人必有繼公而灑碧者則死爲不孤矣如邀在天三五之靈挽回殘局則天下後世馨香祀公密不斂歟而所謂幾先者將大義佈告於各國助我者盟之抗我者攻之譬如人當垂危而不投以猛藥望其靜養而痊必不可得中國病重者也醫或得生不醫則死密可因戰而屋其社不可因玩而削以至於亡僕辱在田間深知民志間有從外國返者每言各國其心不同多有願助中國扶立故君者彼亦爲已計非僅爲中國計公默審熟慮其知所從事焉况公所踐之任正得其地不於此作掀天揭地之舉更待何時若以此言爲狂則非所知矣書不盡言惟擇乃決

巾幗英雄

○客婦黃李氏向在淡申路調養翁家爲業昔年壯羊五雞二蔬蓋古人所稱田家自有樂者也月之初十日驅其所牧生豬五體兒於小坡大馬路某宰屠店訂價六十五員二角是日該店備價未足僅交原值一半有幾至十二日李氏復往該店討還舊帳收得洋銀二十元鋪十員遂以布囊藏固負於肩上欲回家去道經紅橋頭處忽有匪甲乙二人原是綠林野客見氏單行厚載疑弱實可欺乃相與謀欲幹箇中買賣氏省識二人來意知將不利於已然自念吳宮舊侶斷不至爲強暴所辱遂暗生一計僞爲困狀旁有一樹借爲憩息之所二匪不知其計乃相與下手甲自負勇敢竟先至乙乘勢搶奪被氏豎起一雙柳葉眉睜起一對秋波眼玉筍微影傳喝忽落先將甲打落泥溝去了轉而追乙乙強據錢袋氏復將乙痛打一頓無何甲起自溝與乙合力攻氏氏竟右有左宜拳不虛發以一當二游刃有餘混戰一場竟將二匪逐去後坐手車回家將事告其鄰里咸合十稱頌無不豔稱巾幗英雄也

王子過叻

○荷蘭高低蘇丹次子邦加蘭挽居及季子邦加蘭實授勞於本年六月間齊有貢物言往荷京貢獻荷國女王以賀加冠之慶近日拜辭荷主言返國中因附荷國郵船行抵巴城即順來叻一遊十一日已經抵叻即在尼卑西客寓中寄住越日即順往訪謁本坡山仲號陳美成號張萬慶號小坡張長美號及張義記等號至下午諸商號并邀王子至博物院及公家花園等處遊玩迨至近夜二王子附搭某輪船回國諸商并相牽送至然申碼頭而別幸哉各號得兩王子翩然惠顧亦可謂異常之榮幸矣

竊案詳泉 ○前報叻產客人李桂林去月廿四晚在牛車水碩莪街辜樂娼寮圖擡花債偷竊烟袋一案後被巡差執獲送案十二日府尊提訊確實並查李犯盜八次曾監禁四年之久今仍怙惡不悛判將案詳泉核奪

中流脫險

○閩人徐某航海客也租有金永利中紅往荷蘭英德其里港運貨回叻月之初九晚乘風破浪剛駛至旁洞洋海面忽狂風怒號波瀾洶湧舟行似箭浪起如山該船帆幔竟被大風刮下幾占破釜之凶幸徐某見機急喚船中人將所載貨物盡擲波中其船但汎然於水中而已翌日風息恰遇某柴船道經該海徐等喊救該柴船遂將中紅拖返至十三早始抵叻埠近日颶風時有航海者慎勿忽諸

公堂讞牘

○妓女陳有蓮向在牛車水戲園街勝花樓為藏春之所作皮肉生涯控告月之十一日正午有同籍人朱亞珍司徒三司徒俊黃亞威登樓買笑適有叻產閩人林慶裕在寓朱等四人闖入竟波翻醋鉢口角相持繼以拳術朱等以眾暴寡協力毆林併奪他身中銀紙十員林鳴捕一百五十五號暗差至朱等竟與相抗復將該差毆打云云十二日府尊判罰朱銀二十五員朱不應罰監禁一閱月餘三人各罰十員無銀改禁十四天○又閩人楊天賞向在大福宮前街開設益源烟廊為業僱同籍人林徒為伴去月廿二日林說楊熟睡偷去洋銀十二員逃走避匿至本月十一日楊遇林於途逐呼二十五號巡差將林拘獲送案林自供年十六歲架虛癆之症無醫藥費迫得生心圖竊太守見林果面瘦如柴知其出於不得已判罰林軟禁一月免充苦工觀者咸頌太守之仁也○第六十七號巡差控告十一晚一點鐘在大馬路當值適有粵人賴亞容在此路往來避匿其形迹實屬惡縮可疑該差逗留問反被賴行兇毆打判展十九日再訊

都察院聯名具呈續錄

○奏為俄事緊急萬不可允恭摺仰祈 聖鑒事竊聞近日俄人無理要挾一限再限動稱開費迫以必從此誠 國家存亡危急之機而俄人之情見勢絀亦概可知矣俄之謀人國也純用陰謀詭計其分波瀾滅芬蘭等國皆以權術得之與我聯盟之本意即是暗用前法蓋以為中國為所籠絡各國如所離間遼東朝鮮取之如反掌耳而不意德人發難隱破其謀於是計無復之不待兩卑利亞鐵路之成俄羞變怒將其數年默運之本心和盤托出咄咄逼人而其實無能為力也夫各國非真欲分中國蓋迫於俄耳英使臣之言曰中國若以遠旅許俄英雖不貪土地亦不得不踰長江日使之言曰中國期許俄日本即夕以兵力取之然則各國之分與不分皆視乎中國之允與不允 皇上若懾於俄人之恫喝慢圖目前之安逸則不但以東三省大連灣許俄而直不啻舉中國天下拱手奉人矣顧或疑俄勢甚強而不知不足慮也俄戰船在東方洋面者只十四五艘除防守海參威及高麗各口外極力勻撥不過兩三艘而英船又皆處處尾隨水軍不足慮也俄精兵皆在泰西遠莫能致其海參威之軍率多疲弱又為日本所尾繼此陸軍不足慮也即或一旦失和陸兵登陸我不開口先許尚有各國解圍若漫然應之各國皆不能為力矣安危之幾聞不容變伏求 皇上堅持定見勿為空言所嚇勿以兵費為慮承不許俄以土地大局尚可挽回不然則中國非復 皇上所有矣謹合詞迫切上陳伏乞 皇上聖鑒訓示謹 奏

頌德

○啟者高卑單甲頭社長沈君烈全係潮郡之海陽人寄居該埠有年為人精明強幹經荷官舉為社長管理行客出入口事宜沈君自舉充此任以來辦理極為公平往來諸客莫不沐其德惠而且好施樂善前者迭捐中國賑款經蒙大吏奏獎職銜海外有此善人亦不可多得者也爰述數語以誌感荷之私云 光緒廿四年十一月十四日 張義記等敬頌

諭領牌照示

○大英欽命新嘉坡輔政使司 為通知領牌事照得本坡國家所委出牌之太平局紳定於一千八百九十九年然花里月五號禮拜四下午三點鐘在總巡捕官署寫字樓內齊集欲出一千八百九十九年然花里月一號起春李之牌如有換領舊牌或領取新牌及欲阻止領牌者當親自前往或派其代理人於是日前往該署內報明以憑核奪特此諭知 大英一千八百九十八年十二月二十四號 示

物各有主

○啟者茲觀歐茂利於本月初八日在叻報所登聲明告白一則言吉洽埠古打鄰街新恒發合記什貨生理歐茂利願將其所得股份頂與朱廣來承受經已交易清楚該告白所言向覺詳晰惟其末後所言新恒發合記前租出古毛埠舊廣全昌之舖位經有批明字據願歸歐茂利名下所得任從改號開張等語實屬含糊無據竊思舊廣全昌舖位係屬新恒發合記所租歐茂利於新恒發合記所得股份概已頂歸朱廣來達仁堂承受今已改為順祥號開張經營即於前租廣全昌之舖位亦當歸順祥號掌握歐茂利不當據為己有故於本月初七日做號已將該舖位前所存下之店底家器貨物當眾投得遂即將該舖位改為順源號開張且於前租出該舖位經已費去不資歐茂利未將該款交還則該舖位安能唾手而得此該舖位所以應歸順祥號執管開張也定則歐茂利言有批明字據歸其所得等語均屬子虛之詞合應辨明免滋後論此佈 光緒廿四年十一月十二日 順祥號謹啟

買受店底傢私告白

○啟者新嘉坡漆木街第三十七號門牌鴻昌號之店底傢私雜物現歸承成堂買受即在該店經營生理而承成堂之生理與鴻昌號生理兩不相干彼此數目亦歸各自料理特此聲明 光緒廿四年十一月初十日 鴻昌號 承成堂同啟

催收捐款公啟 ○公啟者前因廈門米價翔貴食戶艱於粒食諸同人心焉傷之倡設平糶之舉幸諸君子饑溺為懷不分畛域用能集腋成裘源源接濟似此仁漿義粟不特受者淪肌浹髓銘篆五中即彼者亦當為之位置錫福降祥亦永無極唯是歲聿云暮所望本坡及外埠諸公所有捐款未蒙惠交者請盡此十二月二十九日以前擲交吳德源號彙收以便核結是荷
大清光緒廿四年十一月十一日
廈門平糶駐叻籌捐董事公啟

井里汶捐助廈門平糶芳名錄 ○甲必丹陳景美捐題洋銀一百二十元 珍春號捐題洋銀一百元 李水提捐題洋銀一百元
葉薦官捐銀一百元 豐春號捐銀一百元 建成棧捐銀一百元 義裕棧捐銀一百元 瑞成號捐銀一百元 吳榮時捐題銀五十元
鄭神佑捐銀五十元 高朝成捐銀五十元 鄭耀講捐銀五十元 曾振禮捐銀五十元 林鎮官捐銀五十元 吳正禮捐題銀五十元
黃瓊官捐銀三十元 蘇瓊官捐銀二十元 鄭清祿捐銀一十元 右計十八名共收緣銀一千二百三十元
光緒廿四年十一月十一日 廈門平糶駐叻籌捐董事公啟

定期集議鑄事宜公啟 ○公啟者前因 叻憲禁用實勝越有孔鑄之事經於西一千八百九十七年屋多末月一號出示申明其奈小民無知多有悞犯因而置諸罰典者不乏其人僕等深憫無知權於法網因擬集眾妥籌善法懇請 國家辦理務期不礙 國典而利便商民用特合詞佈告週知特借同濟醫院以為公議之所 諸君有志維持者請於本月十四日下午二點鐘時齊集同濟醫院聽其偉論俾聆大教謹此奉聞 光緒二十四年十一月初八日

陳清端 藍全昇 豐源號 振裕號 曾兆南 劉金榜 陳子因 湯廣生 福興隆 吉祥泰 以義 黃長源 裕昌隆 林威重
蔡三重 邱雁賓 王長順 楊長春 陳德潤 楊隆發 鄭志祿 葉浩然 陳存利 葉季允等同啟
招供柴薪告白 ○啟者茲本廠欲用柴薪一物茲特招人承供 諸君有願承斯役者可至本廠面商便得此佈
西一千八百九十八年十二月二十一號 禮釐廈吃立付鐵廠謹啟

聲明告白 ○啟者吉冷埠古打鄰街門牌一十五號新恒發合記雜貨生理乃係歐茂利朱廣來兩號於光緒戊戌年五月間合夥開張茲歐茂利志願將名下股份頂與朱廣來承受經於本年十月廿九日交割清楚如新恒發合記前後與諸親友交易來往貨賬揭借會等項及日後生意盈虧概不干歐茂利之事惟新恒發合記前租出古毛埠舊廣全昌之舖位經有批明字據願歸歐茂利名下所得任從改號開張日後生意與隆亦不干新恒發合記朱廣來兩號之事特此分別聲明免滋後論
光緒廿四年十一月初八日 歐茂利號謹啟

承股聲明 ○啟者石叻水仙門復南街門牌三十三號歐茂利雜貨生理乃係歐九歐孟歐利三人於光緒丁酉年八月間合夥開創茲因歐利志願別業願將名下股份頂與合成堂承受其應得之退股銀項經於本年十一月初一日交清分毫無欠日後生意與隆不干歐利之事倘諸親友前與歐利交易來往等項惟向經手是問不干歐茂利之事特此聲明以免後論
光緒二十四年十一月初八日 茂利合成堂全啟

草聖將行 ○朝鮮尹溪石先生遊泗回坡仍舊寓單邊街新巨泰三樓即擬返港叻地諸友勸留十天嗣因別有求書者踵至故又開筆十一月十五日准定動身矣特此佈告
光緒廿四年拾月二十八日 謹啟

貴重屋地出投 ○啟者茲定於西利心末月二十八號即華本月十六日禮拜三下午二點半鐘在本館內拍賣貴重屋地十五區坐落怒米芝律第六十四號至六十九號門牌共有二萬二千三百一十六丁方英尺乃九百九十九年之期每月收厝稅一百四十二元其第六拾六號門牌之屋甚為寬闊現實與人製造黃梨以上諸地作一起拍賣 諸君有合意購置者祈屆期 玉臨所有拍賣詳細章程應照西字所列而行謹此佈告
光緒廿四年十一月初三日 吧越館主謹啟

敬頌良醫 ○啟者余於去月之晦忽染傷寒重病延綿旬日治而弗愈壞病將成至本月十二日幸遇守車水大馬路福安堂內劉明之先生荷蒙診視刀圭數奏即獲霍然僅及一旬遂即平復可知先生之術精妙入神非平日之胆識兼優亦何能奏効如此其神且速耶余受再造之恩無從圖報爰述數言附諸報牘庶藉以畧傳先生之名俾患病者得以往為求治耳
光緒廿四年十一月初一日 吳九謹頌

丹青潤格 ○吾友陳湘崖別號緞鄉館主精繪事花卉翎毛山水人物艸虫走獸仕女等技罔不畢曉其落筆有一種出神入化之機與時手不相類洵畫家中上乘品也足跡所至求者踵相接大有如遊山陰道上應接不暇之勢爰立潤格 閱者諒之現設甲橋頭年盛號內

○金榜中堂 大號每銀十二元 二號每銀一十元 三號每銀八元 ○宣紙中堂 大號每銀四元 二號每銀三元 三號每銀二元

掛屏照上加倍 琴操銀八毫 鏡底尺五每銀五毫二尺加半 冊頁每銀三毫 帳眉每銀一元 團扇每銀八毫 摺扇每銀五毫

如畫山水人物照上加半 美人加倍雙鉤同 光緒二十四年十一月初一日 皖南洪惠余代訂

聲明告示 ○啟者做號陳源成自先父創設小坡梧槽巴虱嗣又遷至大坡吊橋頭經營暹羅安南郊頭及本坡生理歷年無異惟因叻中源成字號甚多混淆相雜誠恐 各寶號與做號交易者或有所誤爰特佈告聲明此後做號有與 各寶號交易往來以及滙兌等事必須認明做號圖章兼有愚兄弟名號南松或南俊簽押方足為憑否則有誤與做號無涉特先聲明免滋後論

大清光緒廿四年拾月廿五日 源成號謹啟

源成號謹啟

勸辦粵漢鐵路招商分局啟 ○啟者本分局現蒙 粵漢鐵路總辦張 委在南洋創設分局開辦招股事宜奉此竊維鐵路一事乃當今最要之務利權之大識時務者無不知之茲蒙委辦前因除往各埠開局勸辦外用特廣行佈告 諸君有志趣遠大欲討股份者可至單邊街文行堂本分局內面商所有一切詳細章程經已另刊清摺以便 諸君取閱此乃難得之遭逢無窮之美利有志者幸無辜此機緣也特此佈告

大清光緒廿四年九月二十九日 大英一千八百九十八年十一月十二號 勸辦粵漢鐵路分局委員吳丕球謹啟

屋地出投 ○啟者茲定於西一千八百九十八年利心末月廿八號即華本月十六日禮拜三下午二點鐘在本館內拍賣屋地一區坐落登實得力第廿六號門牌大有三千八百八十八方英尺乃九百九十九年之期每年繳納地稅銀三元諸君合意祈屆期玉臨投買特此佈聞

英一千八百九十八年拾二月拾六號 巴越館主謹啟

永年人壽保險公司告白

啟者本公司備足本銀五十萬兩專為中西官商投保人壽之險總局設在上海五馬路廣東律第十三號門牌英商華由為總理而余則經理外埠者也此次奉命到叻招徠生意復託山仰棧為代理蓋本公司章程極為美備所收保費務從其廉所付賠款務從其速所酬花紅務從其厚為東方各公司所未有故能名馳中外人樂投保試觀上海中外日報有附刊告白讚美本公司賠款之迅速如太古火險公司之夥伴胡開甫於十月初一晚急病身故次晨報明本公司即將所保銀兩如數給足其妻陳氏與子胡立廷感激涕零登報讚頌余謂付款迅速固本公司分內之事所願投保諸君永享遐齡福壽無極不勝禱祝之至至本公司另有詳細章程刊為一冊倘蒙 惠顧請到山仰棧或東陵烏節律 A 字第三號門牌做寓取閱便知一切矣此佈

光緒二十四年十一月初二日 永年人壽保險公司經理人山穆森謹啟

時雨軒藥酒發售

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而釀成故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又車中跌打藥酒如跌打刀傷積瘀暴腫服之併可舒筋絡而止痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷痰每樽價銀四角 以上各項藥酒皆本軒精心監製屢試屢驗方敢出而問世所望 諸君沾而試飲方知余言不謬并希認明招牌古鼎為記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在嘉坡小坡直街廣茂生號寄售 一在芙蓉埠廣生號寄售 一在吉隆坡恒棧號寄售

大清光緒廿四年六月廿九日 時雨軒主人謹啟

豐源號

本號輪船往來各埠定期開列如左 在各埠往實叻日期

由麻六甲往芙蓉每逢禮拜二六日中午十一點鐘開行

由各埠回實叻之日

由麻六甲回芙蓉每逢禮拜二五日上午十點鐘開行

各輪船在叻往麻六甲吉隆坡實蘭午 等禮拜五日三點鐘行特此佈

在實叻往麻六甲每逢禮拜一五日下午四點鐘開行

由芙蓉往吉隆坡每逢禮拜二六日下午六點鐘開行

由吉隆坡回芙蓉每逢禮拜二四日下午四點鐘開行

由麻六甲回實叻每逢禮拜二五日下午四點鐘開行

豐源號謹啟

正金鐘標萬蘭池酒發客




啓者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司句辦以應零沽凡華籍諸君有欲零沽者請至酒公司沽買便得如買成起以便配往外處者仍可至本行沽買至此酒

貨棧出稅 ○啟者本行在丹戎隅有磚牆瓦蓋之貨棧二間欲賃與人該兩棧共廣闊有一萬五千英尺其棧係近港傍用以貯鹽及鹹魚并他項貨物均甚合宜 諸君有欲租賃者請至本行面商可也 光緒廿四年十月廿三日 禮釐厦吃里付鐵廠謹啓

新印台灣地圖寄售 ○啟者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已有正人心所宜亟為攷究者 諸君賜顧請移玉至本館面商可也 大英一千八百九十八年七月一號 本館謹啟

所上有各票如無本行不殺呼峇華字者即為假貨幸勿為之誤買本行有厚望焉 大英一千八百九十八年正月十三號 不殺呼峇即前加珍洋行謹啟

鐵廚出售



啓者本行所售之鐵廚在本坡馳名已久素蒙 各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極為美善本坡所有西人齊智人以及作椒蜜生理諸華商多向本行沽買以為貯銀之用因本行所沽者均用頂上物料製造而成不惟能壯觀瞻而且異常堅固無論火燒盜劫均可無虞貨美價廉莫此為甚倘 各君有欲購此廚以收藏重寶者可至本行選閱是幸此佈 大英一千八百九十八年正月十三號 不殺呼峇公司即前加珍洋行啟

製造之法 精妙異常 酒味甚清 以之蒸釀 者皆為上 等之料保 無偽充之 弊此酒若 在本坡沽 飲甚屬合 宜且價亦 甚廉用須 翁沽心辨 為留心辨 明以免魚 珠之混現 在市上假 冒者甚多 以 新嘉坡 嘉祖辦 坡家木 丕東 殺頂諸 呼美君 峇酒光 公發認 司印明


紅首冠仔標萬蘭池酒出售



啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熱氣概已全消所以 諸君沽飲者均深獎譽現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字為憑庶免


爲魚珠之混是所切盼 大英一千八百九十七年二月十二號 不殺呼峇即前加珍洋行謹啟

馳名鐵廚發售



嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購置此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鑄製成並無雜以木料且諸廚自前至今均為一式堅固並用

有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商



諸君有惠顧者祈即玉

所喜購而本行每年所沽亦殊不鮮茲特為之錄佈倘臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟

三品出品



啟者本行督辦歐洲馳名三品洋酒來叻發售其酒係白頭款式發售有年沽飲諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後諸君購買本行白頭三品酒者請細認本號招牌之內

有小紙包頭註明華字新嘉坡級明嗎也公司者始真若無此字樣即屬偽冒請為細認特此佈告 大英一千八百九十八年正月一號 明嗎也洋行謹啟

烏蜜酒發賣




啟者本行向由英國督辦各種美酒來叻發售久已遐邇馳名茲復由英新辦到顏爾士斗雲字號之狗頭票烏蜜酒到叻應沽此酒香美異常不惟飲之可口且能保養精神調和血氣常飲令人不生疾病誠酒中上品也諸君光顧應細看以上所列之狗頭標庶不致誤且價甚相宜倘諸君有欲酷飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟

法國頂上蜂窠標萬蘭池酒發客



啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

密酒出賣



啟者茲本行由歐洲辦到上等密酒來叻發售其酒甚佳茲將標頭印出諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日理等處其他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟

明嗎也洋行謹啟

